

广东通志

广东通志

廣東通志卷二百七十

甲子重刊

列傳三 廣州三

吳英 子宗道 宗達 宗遇

楊汪中

吳文震

溫若春

劉鎮 弟銖 鐸

趙崇模

翟傑 陳謨 陳慥

梁文奎 從子諒 謝

李昂英 子志道

陳應辰

錢益 次子夢驥

郭閻

李用

李春叟 子同文

趙必璩 父崇誦

翟卷石

張元吉 弟登辰 登辰子惟寅

陳庚 弟紀

劉襄然

張鎮孫

陳大震

王道夫

阮與子

石文光

馬南寶

黃俊

伍隆起

熊飛許之鑑

翟龕

黎宿

區適子

子魯卿 達葉野舟 何子

趙東山

何文季

李肖龍

鄭聰老

廖金鳳

李德彰 唐璧

梁百揆

陳息卿

羅鑄夫

子文鳳

趙若舉

邵繼賢

陳元輔弟英輔

陳猷

孫考
以上宋

宋

吳英南海人生而魁梧有謀畧寧宗嘉泰四年海寇竊發有司募人捕之英往應命乃設伏要害處出其不意擒獲無算特授承信郎開禧二年有邊警調發守把漢川防扼江面虜陡至英請於主將自往偵之英服漁人衣操小舟往來洲渚間虜不疑也游騎覺之手及一人而還因得其虛實由是益知名嘉定十年除平江府駐劄御前都副統制十三年轉武翼郎陞御前諸軍都統制十五年轉武經郎十六年轉武節郎又明年轉武德郎淮上

却敵多建奇績理宗寶慶改元上賜御筆獎之有
曰昨因兩淮屢警爾吳英能率舟師措置捍禦功
冠行列特轉兩官賜金帶以榮爾躬爾尚益懋乃
績予則汝嘉于是轉武議大夫拜團練使英捧詔
感奮淮口之役躬冒矢石爲衆隊先乘風急縱火
焚虜舟五百餘艘虜大奔斬首千餘級尋戰於北
神鎮又縱火燒斷橫江鐵鎖虜引去及虜圍鹽城
親率舟師登岨死戰連獲大捷累功轉左武大夫
防禦使卒于家年八十四特封南海縣開國男贈
官至節度使英爲人智勇然在人前默默如無能
者愛養士卒不吝犒賞或官無所給卽以已資代

之故能得其死力所向有功平居有馳騁伊吾之志每聞和議成輒眠食不安者累日其忠奮可尙

也子三人長宗道知賓州

廣州人
物傳

戢奸保民一方

倚之

廣州志

官至武功大夫次宗達武功大夫知循

州宗遇累官修武郎

廣州人
物傳

楊汪中字季子番禺人幼孤篤志好學弱冠鄉評

推重廣帥楊長孺見其文敬之言於郡博士請爲

州學錄嘉定己卯領鄉薦明年登進士第調靜江

民曹整攝郡牧以刑賞忠厚之至命題試士憲使

服其敢言薦之桂帥以瓊筦機宜辟之及過海旣

平王君佐之叛又弭陳用成之變風裁凜然理宗

端平乙未改肇慶府推官家居需次摧鋒戍卒于紀晝薄城下居民大恐汪中有縋城諭賊功及崔與之判鄉郡因攝帥幕密贊平叛之謀改佐廣右經募市馬橫山措置得宜邕蠻帖服無何銓部最之遂知廬陵縣爲政多所建白其勸糴以應邊餉區處有方邑民無怨旣而改知歸善縣官至奉議

耶前志

吳文震字欲發番禺人理宗紹定壬辰進士初試鬱林民曹權宰有政聲次任南恩糾曹尤加意獄事囚繫者感之授新昌僉幕知歸善縣行鄉飲崇禮教絃歌藹然大興文治尋倅欽州攝守全州又

攝守春陵皆有惠愛

同上

溫若春番禺人少力學能文事親以孝聞孝宗淳熙十三年領鄉薦累計偕不第凡三十五年而志益堅嘉定十三年廷對特奏名第一人賜同進士出身兩調潼川英德學官及爲府學正作成八士悉有模範理宗寶慶間除樞密院架閣理宗紹定二年春除太學正夏召試館職除秘書省正字秋除校書郎蚤與崔與之遊與之素重其學行思薦達之奏對間一日上問曰卿鄉里有何人才與之奏曰吳純臣有監司之才溫若春宜清要之任於是除秘書郎紹定三年冬也若春博洽古今同列

推服以稱職聞無何與之帥維揚握手道生平曰
人之功名全晚節爲難若春喟然感之遂力請掛
冠得旨朝奉郎致仕家居節儉手種香芸以遺子
孫壽八十餘卒理宗淳祐四年甲辰廣帥方大琮
旣成二獻祠復立四先生祠祠古成之李昉英郭
闔暨若春也祭之日常於春秋釋奠後焉今列于

仰高祠

廣州人
物傳

劉鎮字叔安南海人兄弟三人俱有文名事親宗
黨稱其孝嘉泰二年登進士第性恬淡士大夫皆
賢之以詿誤謫居三山三十年爲詩詞益工真德
秀帥閩日言于朝得自便自號隨如學者稱爲隨

如先生仲弟鏐字叔治尤工於書慶元五年登進士第嘗知欽州官至朝奉大夫季弟鐸字叔文光宗紹熙四年登進士第初兄弟自爲師友及相繼而顯邦人榮之贈以詩曰三子皆黃甲一門無白丁有司名其所居坊曰叢桂里在今西城內曰賢巷以旌之鎮尤長於詩明白清潤爲時所推嘗與崔與之交遊及與之薨搢紳多弔以詩鎮有曰始終無玷缺出處最光明人指以爲實錄其造語典實此類也有文集行於世

黃志

趙崇模番禺人嘉定中知安化愷悌廉平興廢舉墜復學田三百畝更爲增置以贍諸生秩滿將代

後園桃梅並實池蓮一本雙葩人咸異之祀名宦

湖南
通志

謹案南海進士嘉定中有趙崇垓無趙崇

模番禺志亦無

翟傑東莞人登宋紹興五年進士詔就職以親老
辭家居敦孝友勤考道以體認天理爲宗聞龜山
倡道東南心欲就正念百齡老父未敢遠離乃致
書羅仲素質疑考訂恍然有得後仲素爲博羅主
簿親往討論由是神定氣和識與不識皆推爲有
道君子淳熙七年親喪畢任化州司戶均田賦集
流亡勤教導數載間政通化洽民建祠以祀之乞

休歸構桂華書院集四方英俊相與講學窮經邑
人士皆知向學同邑陳謨儻之曾孫卅歲博通羣
籍政和五年登進士官朝奉郎署縣居官清廉勤
慎以文學飾吏治興利除害切切以民生爲念尤
加意學校一時人士蒸蒸向化旋以親老解組歸
生平廉介自持不爲阿徇然與人和易偕從弟應
辰往來青紫峯亭講學論道夜分不輟足跡不至
公庭邑令慕其賢往往造廬商決正言侃論主於
便民邑人賴之又同邑陳慥宋隆興元年特奏司
官法生平學行極爲人所推重後邑令陳琦建思
賢堂以祀傑謨慥三人邑尉郭廷世作記思賢堂

廢復舉祀鄉賢祠邑人祁順有思賢堂詩曰卓犖
三夫子才名重一鄉順非苟於作者特詳載於左
使後之人有聞焉

東莞舊志

梁文奎東莞人博學強記爲文尙理致開禧元年
廷對幾中首選時韓侂冑當國以策語切直故爲
所排易置乙科第一性不喜干人厯左藏十餘年
不調處之自如兄子該嘉定七年進士官欽州通
判長于記問世號書筭該弟詡嘉泰四年鄉貢亦
以博稱文奎該並祀鄉賢

金志

李昂英字俊明番禺人曾祖仙之承奉大夫自保
昌來遷祖擧安撫助教父天棐龍圖待制母黎氏

將誕夢大星降於庭因名少雋穎書史一覽成誦
博學多識文思絕人弱冠嘉定十五年以春秋掄
元首計偕崔與之深器重焉理宗寶慶元年乙酉
再薦于鄉明年試春官知貢舉鄒應龍欲置第一
時方諒陰或曰上始卽位宜崇帝王之學遂擢王
會龍書義第一昂英第三

黃志

粵中士探花自昂英始

洪平齊徐梅楚皆重其才以爲南方間氣

孫殿苞
撰行狀

初調汀州推官郡守陳孝巖鷺悍不恤其下江閩
寇相挺郡無壁壘力請增陴浚湟以備不虞會守
虐殺兵校十數人又欲造州楮強戍兵充口券昂
英爭不聽吏持州楮請署押厲色呵之徑棄官歸

亟出郡郊俸貳偕士民數百邀而畱之曰環境皆盜公忍棄吾民乎泊回悍兵王寶已闕然閉關將殺守吏士民擁之入恆以身翼蔽守昂英開諭諸賊曰若欲得守盍先害我守以是獲免旣而朱積寶合礫寇攻城設備待之調左翼軍合民兵討賊面授方畧躬督戰相持五日戰二十餘合賊敗北功聞于朝特遷太學正丁母艱服闋除武學博士理宗端平二年乙未摧鋒戍卒叛絲惠州趨番禺承平久人不知兵郡大恐帥守曾治鳳航海潛去轉運使石孝淳避水之南獨庾使黃歲請于崔與之守禦與之登城撫諭昂英與楊汪中偕出諭賊

甫繼城羣兇露刃森立毅然不動從容諭禍福賊
退事聞除大理司直主管經撫司機宜文字後與
之平賊以昂英有贊畫功召除太學博士賜對上
奏劄黃志畧曰與治同道罔不興與亂同事罔不亡
善覘國者之法今兩血告妖戎馬踐淮襄峴失而
江陵孤三川潰而夔門危祖宗區宇將半陸沉億
萬生靈重罹塗炭陛下自視今爲何時反觀行事
果與治同道否邪夫勢之安危反掌易置理之當
否亙古不移酣嗜峻雕未或不亡此謹身之戒也
陛下嘗因明禋之天變而撤樂嘗以誕節之震雹
而輟燕蓋深自警省矣然纒立望幸之衆易至移